
Tjitji kuulanguru pakaltjinganyangka ngunytjungka mamangka tjukurpa utira tjakultjunkunytja

Tjitji tjuṯa tjaka kuulangka wirura palyanku nyinapai. Kutjupa ara tjitjingku tiitjangku witu-witunyangka puṯu kulira tungunpungkupai. Tjinguru tjitji paluru kuwaripatu nintiringanyi wirura wangkanytjikitja munu wirura nyinanytjikitja. Tjinguru paluru kulintja pulkaringkula, tjiturutjituru ngarala munta pikatjararingkula puṯu nguwanpa nintiringkupai. Tjitji tjuṯa mukuringkupai malpa mulapa ngaranytjikitja munu wirura nintiringkuntjikitja palu tjitji kutjupa tjuṯa kutjupa ara nguntiringkupai.

Yaaltji-yaaltjingku tjitji kuulanguru pakaltjingantja alpamilalpai?

Tjitji kurarapungkunytjaku wiya. Kuulangku alatji palyalpai tjitjingku tungunpungkula tjitji kutjupa tjuṯa nintiringkunytja munu kuulangka nyinanytja kuranyangka.

KUULANGURU UNYTJUNGKU PAKALTJINGANTJA MUNU PAKALTJINGARA PAINTJA:

- Anangu uwankara atunypa munu pukuṯpa nyinanytjaku kuulangka
- Kutjupa-kutjupa tjuṯa puṯu arkara tjukaṯuruni. Ka tjitji kuwaripatu tungunpunganyi
- Tarapulangkatawara arkanytjaku
- Tjitji, mama, ngunytju, tjitji kanyilapai tjuṯangu munu kuulangku plan wiru palyara tjitji atunypa wirura palyanku nyinantjaku kuulangka.

Suspension (Tjitji unytjungku kuulanguru pakaltjingantja) nyaa?

KUULANGURU UNYTJUNGKU PAKALTJINGANTJA:

- Unytjungku tjitji paini paluru tjitji kutjupa tjuṯa kuranyangka
- tjitji kuula wiya ngurangka nyinapai tjinṯu 1-nguru tjinṯu 5-ikutu
- Principal-pangku ara nyangatja kulira palyalpai.

Exclusion (kuulanguru pakaltjingara paintja) nyaa?

KUULANGURU PAKALTJINGARA PAINTJA:

- unytjungku wiya – kuulangku alatjinkupai tjitji kutjupa tjuṯa kurantjakutawara
- 4 wiikinguru 10 wiikikutu tjitji kuula wiya ngurangka nyinapai munta kutjupara alataikutu kuula wiya nyinapai
- Kuulangku nganmanytju arkara unytjungku pakaltjingara puṯu lipularinyangka kutju exclusion tjunanyi
- Principal-pangku ara nyangatja kulira palyalpai.

Kuulangku nyaa-nguru tjitji pakaltjingara pailpai?

Law-ngka ngaranyi Principal-pangku tjitji pakaltjingara paintjaku tjitjingku kutjupa tjuṯa kuranyangka kuulangka.

Yaaltji-yaaltjingku ara nyangatja kulira palyalpai?

Principal-pangku ara uwankara nyakula kulira lipularira palyalpai. Principal-pangku alatjinku ara kutjupa-kutjupa tjuṯa puṯu arkara, arkara.

Yaaltji-yaaltjingkuna tjitji ngayuku alpamilalku?

Patala tjukurpa uwankara kulira mula-mulangku kulintjaku ara uwankara.

- Pilunpa nyinama
- Tjitji nyuntumpangka wangkama
- Kuulangka wangkama.

Tjungungku plan wiru palyala:

- Nyuntumpa tjitji alpamilanma kuulangka wirura nyinanytjaku
- Tjitji nyuntumpa alpamilala pulkara nintiringkunyjtaku.

Nyanga palunytjara wangkapai mitinginka:

- Mitingi plan uwankara lipulankuntjaku
- Mitingi piruku tjunguringkunyjtaku.

Problem ngaranyangka tjarira kulintja

KUULANGKU TJITJI UNYTJUNGKU PAKALTJINGANYANGKA (SUSPENSION) NYUNTU PUTU APPEAL TJAPINI.

(Appeal = markuni kuulangku piruku wangkara kulira kampa kutjupankuntjaku.)

Nyuntumpa tjitji unytjungku tjintu mankurpa pakaltjinganyangka (suspension-tjara). Ka nyuntu putu kuulangka wangkara kulira lipulananyi, nyuntu palya, nyuntumpa tjukurpa tjakultjunama DECF unit-pangka nampa nyangangka 1800 677 435 (toll free).

Ka internet-nguru piipa mantjira walkatjura iyala.
www.education.sa.gov.au/schoolcomplaint

KA KUULANGKU TJITJI PAKALTJINGARA PAINYANGKA (EXCLUSION) NYUNTU PALYA TJAPINMA (APPEAL).

(Appeal = markuni kuulangku piruku wangkara kulira kampa kutjupankuntjaku.)

Nyuntunyaya tjakultjunanyi yaaltji-yaaltjingku tjitji pakaltjingara paintja appeal tjapintjaku Directions Conference-pangka. Nyara palulaya appeal form unganyi. Directions Conference-pangka malangka tjintu 5 ngaranyi appeal iyantjaku.

Panya tjitji tjuṭa tjaka wirura nyinapai uwankara lipula ngaranyangka. Kuulangka tjunguriwa munuya tjungungku alpamilanma tjitji nyuntumpa wirura nintiringkunyjtaku.

Nganana mukuringanyi tjitji uwankara atunypa nyinanytjaku.

